






第二七四册

四庫全書

●上海古籍出版社

本冊目次

新
附考
唐

證書
(三)

宋歐陽修等撰
宋祁等撰
沈德潛等撰
清葉西

欽定四庫全書

史部
唐書卷七十八至

詳校官編修 臣錢 樹

洗馬臣王坦修覆勘

覆校官庶吉士臣徐立綱

校對官主事 臣李駿

膳錄監生臣陶鳴珂

欽定四庫全書

唐書卷七十一

榮

海產

卷之四

士

宋 祁 撰

列傳第一

后妃上

唐制皇而

昭容昭媛

好美个才人

欽定四庫全書

卷之四

三

一

卷之八

生員吳其

三

三

一、

乘易得之明牽不斷之柔險言似忠故受而不詰醜行已效反拙而為好左右附之愉壬甚之狡謀鉗其悟先哀誓捷於寵初天下之事已去而恬不自覺此武韋所以遂篡弑而喪王室也至於楊氏未死玄胤厥謀張后制中肅幾欲枉吁可嘆哉中葉以降時多故矣外有攻討之勤內寡嫺溺之私羣朋進外戚勢分后妃無大善惡取充職位而已故列著于篇

高祖太穆順聖皇后竇氏京兆平陵人父毅在周為上

欽定四庫全書

唐書
卷七十六

三

杜國尚武帝姊襄陽長公主入隋為定州總管神武公后生髮垂過頸三歲與身等讀女誡列女等傳一過輒不忘武帝愛之養宮中異它甥時突厥女為后無寵后密諫曰吾國未靖虜且強願抑情撫接以取合從則江南關東不吾梗武帝嘉納及崩哀毀同所生聞隋高祖受禪自投牀下曰恨我非男子不能揀舅家禍殺遽掩其口曰母妄言亦吾族常謂主曰此女有奇相且識非凡何可妄與人因畫二孔雀屏間請昏者使射二矢陰

約中目則許之射者閱數十皆不合高祖最後射中各

一目遂歸於帝始元貞太后羸老有疾而性素嚴諸妃婢皆畏莫敢侍后事之獨怡謹盡孝或淹月不釋衣復工為篇章規誡文有雅體又善書與高祖書相雜人不辨也崩於涿郡年四十五帝在場帝時多畜善馬后見曰上性樂此盍以獻徒留之速罪無益也不聽頃果坐譴帝後見隋政亂多妄謀殛乃為自安計數奏鷹犬異駒賜帝果喜擢位將軍因泣謂諸子曰早用而母言得

欽定四庫全書

唐書
卷七十六

三

此久矣帝有天下詔即所葬園為壽安陵諡曰穆及祔獻陵尊為太穆皇后始太宗生有二龍之符后於諸子中愛視最篤後即位過慶善宮覽觀梗欽顧侍臣曰朕生於此今母后永違育我之德不可報因號慟左右皆流涕乃享后于正寢它日幸九成宮夢后若平生既悟潛然不自勝明日詔有司大發倉賑貧瘠以為后報焉上元中益諡太穆神皇后

太宗文德順聖皇后長孫氏河南洛陽人其先魏拓拔

氏後為宗室長因號長孫高祖稱大丞相馮翊王曾祖裕平原公祖兕左將軍父晟字季涉書史趨警曉兵仕隋為左驍衛將軍后喜圖傳視古善惡以自鑒矜尚禮法晟兄熾為周通道館學士嘗聞太穆勸撫突厥女心誌之每語晟曰此明睿人必有奇子不可以不圖昏故晟以女太宗后歸寧舅高士廉妾見大馬二丈立后舍外懼占之遇坤之泰卜者曰坤順承天載物无疆馬地類也之泰是天地交而萬物通也又以輔相天地之宜

欽定四庫全書

唐書
卷七十六

四

錄協歸妹婦人事也女處尊位優中而居順后妃象也時隱太子襲閔已構后內盡孝事高祖謹承諸妃消釋嫌猜及帝授甲宮中后親慰勉士皆感奮尋為皇太子妃俄為皇后性約素服御取給則止益觀書雖容櫛不少廢與帝言或及天下事辭曰北雖司晨家之窮也可乎帝固要之訖不對後廷有被罪者必助帝怒請繩治俟意解徐為開治終不令有冤下嬪生豫章公主而死

后視如所生勝侍疾病輟所御飲藥資之下懷其仁兄

無忌於帝本布衣交以佐命為元功出入臥內帝將引以輔政后固謂不可果問曰妾託體紫宮尊貴已極不願私親更據權于朝漢之呂霍可以為誡帝不聽自用無忌為尚書僕射后密諭令牢讓帝不獲已乃聽后喜見顏間異母兄安業無行父喪逐后無忌還外家后貴未嘗以為言擢位將軍後與李孝常等謀反將誅后叩頭曰安業罪死無赦然向遇妾不以慈戶知之今論如法人必謂妾釋憾於兄無乃為帝累乎遂得減流越為

欽定四庫全書

唐書
卷七十六

五

太子承乾乳媼請增東宮什器后曰太子患無德與名器何請為從幸九成宮方屬疾會柴紹等急變聞帝甲而起后與疾以從宮司諫止后曰上震驚吾何自安疾稍亟太子欲請大赦汎度道人拔塞災會后曰死生有命非人力所支若脩福可延吾不為惡使善無效我尚何求且敕令國大事佛老異方教耳皆上所不為豈宜以吾亂天下法太子不敢奏以告房玄齡玄齡以聞帝詔嗟美而羣臣請遂赦帝既許后固事止及大漸與帝訣

時玄齡小謹就第后曰玄齡久事陛下預奇計祕謀非大故願勿置也妾家以恩澤進無德而祿易以取禍無屬樞柄以外戚奉朝請足矣妾生無益於時死不可以厚葬願因山為墳無起墳無用棺槨器以瓦木約費送終是妾不見忘也又請帝納忠容諫勿受讒省遊畋作役死無恨崩年三十六后嘗采古婦人事著女則十篇又為論斥漢之馬后不能檢抑外家使與政事乃戒其車馬之侈此謂開本源恤末事常誠守者吾以自檢故

欽定四庫全書

唐書
卷七十六

書無條理勿令至尊見之及崩宮司以聞帝為之慟示近臣曰后此書可用垂後我豈不通天命而割情乎顧內失吾良佐哀不可已已諡曰文德薛昭陵因九峻山以成后志帝自著表序始末揭陵左上元中益諡文德聖皇后

太宗賢妃徐惠湖州長城人生五月能言四歲通論語詩八歲自曉屬文父孝德嘗試使擬離騷為小山篇曰仰幽巖而流盼撫桂枝以凝想將千齡兮此遇荃何為

今獨往孝德大驚知不可掩於是所論著遂盛傳太宗聞之召為才人手未嘗廢卷而辭致瞻蔚又無淹思帝益禮顧擢孝德水部員外郎惠再遷充容貞觀末數調兵討定四夷稍稍治宮室百姓勞怨惠上疏極諫且言東戍遼海西討崑丘士馬罷耗漕饋漂沒捐有盡之農趨無窮之壑圖未獲之衆喪已成之軍故地廣者非常安之術也人勞者為易亂之符也又言翠微玉華等宮雖因山藉水無築構之苦而工力和儻不謂無煩有道

欽定四庫全書

唐書
卷七十六

七

之君以逸逸人無道之君以樂樂身又言伎巧為喪國斧斤珠玉為蕩心酖毒侈麗纖美不可以不遏志驕於業泰體逸於時安其剗切精詣大略如此帝善其言優賜之帝崩哀慕成疾不肯進藥曰帝遇我厚得先狗馬侍園寢吾忘也復為詩連珠以見意永徽元年卒年二十四贈賢妃陪葬昭陵石室惠之弟齊聘齊冊子堅皆以學聞女弟為高宗婕妤好亦有文藻世以擬漢班氏高宗廢后王氏并州祁人魏尚書左僕射思政之孫從

祖母同安長公主以后婉淑白太宗以為晉王妃王居東宮妃亦進冊擢父仁祐陳州刺史帝即位立為皇后仁祐以特進封魏國公母柳本國夫人仁祐卒贈司空初蕭良娣有寵而武才人貞觀末以先帝宮人召為昭儀俄與后良娣爭寵更相毀短而昭儀說險即誣后與母挾媚道盡上帝信之解魏國夫人門籍罷后舅柳奭中書令李義府等陰佐昭儀以偏言怒帝遂下詔廢后良娣皆為庶人囚宮中后母兄良娣宗族悉流嶺南許

欽定四庫全書

唐書
卷七十六

敬宗又奏仁祐無它功以宮掖故超列三事今庶人謀亂宗社罪宜夷宗仁祐應斷棺陛下不窮其謀家止流竄仁祐不宜引庇廢宥逆子孫有詔盡奪仁祐官爵而后及良娣俄為武后所殺改后姓為蟒良娣為梟初帝念后間行至囚所見門禁錮嚴進飲食實中惻然傷之呼曰皇后良娣無恙乎今安在二人同辭曰妾等以罪棄為婢安得尊稱耶流淚咽又曰陛下幸念疇日使妾死更生復見日月乞署此為回心院帝曰朕即有處

置武后知之促詔杖二人百別其手足反接投醢囊中曰今二姬骨醉數日死殊其尸初詔旨到后再拜曰陛下萬年昭儀承恩死吾分也至良娣罵曰武氏狐媚讒覆至此我後為猫使武氏為鼠吾當扼其喉以報后聞詔六宮母畜猫武后頻見二人被髮澀血為厲惡之以巫祝解謝即徙蓬萊宮厲復見故多駐東都中宗即位皆復其姓

欽定四庫全書

唐書
卷七十六

高宗則天順聖皇后武氏并州文水人父士彥見外戚傳丈德皇后崩久之太宗聞士彥女美召為才人方十四母楊嫺泣與訣后獨自如曰見天子庸知非福何兒女悲乎母題其意止泣既見帝賜號武媚及帝崩與嬪御皆為比丘尼高宗為太子時入侍悅之王皇后久無子蕭淑妃方幸后陰不悅它日帝過佛廬才人見且泣帝感動后廉知狀引內後宮以撓妃寵才人有權數說變不窮始下辭降體事天后喜數譽於帝故進為昭儀一旦顧幸在蕭右寢與后不協后性簡重不曲事上下

欽定四庫全書

唐書
卷七十一

而母柳見內人尚宮無浮禮故昭儀伺后所薄必歎結之得賜予盡以分遺由是后及妃所為必得得輒以聞然未有以中也昭儀生女后就顧弄去昭儀潛覽兒衾下伺帝至陽為歡言發衾視兒死矣又驚問左右皆曰后適來昭儀即悲涕帝不能容怒曰后殺吾女往與妃讒媚今又爾耶由是昭儀得入其訾后無以自解而帝愈信愛始有廢后意久之欲進號宸妃侍中韓瑗中書令來濟言妃嬪有數今別立號不可昭儀乃誣后與母

欽定四庫全書

唐書
卷七十一

城寓深痛染屈不耻以就大事帝謂能奉已故扳公議立之已得志即盜威福施施無憚避帝亦懦昏舉能鉗勒使不得專久稍不平麟德初后召方士郭行真入禁中為蠱祝宦人王伏勝發之帝怒因是召西臺侍郎上官儀儀指言后專恣失海內望不可承宗廟與帝意合乃趣使草詔廢之左右馳告后遽從帝自訴帝羞縮待之如初猶意其恚且曰是皆上官儀教我后諷許敬宗構儀殺之初元舅大臣怫旨不閱歲屠覆道路目語及儀見誅則政歸房帷天子拱手矣羣臣朝四方奏章皆曰二聖每視朝殿中垂簾帝與后偶坐生殺賞罰惟所命當其恚斷雖甚愛不少隱也帝晚益病風不支天下事一付后后乃更為太平文治事大集諸儒內禁殿課定列女傳臣軌百寮新誠樂書等大抵千餘篇因令學士密裁可奏議分宰相權始士驥娶相里氏生子元慶元奐又娶楊氏生三女伯嫁賀蘭越石蚤寡封韓國夫人仲即后季嫁郭孝慎前死楊以后故寵日盛徙封榮

國始兄子惟良懷運與元慶等遇楊及后禮薄后銜不置及是元慶為宗正少卿元奭少府少監惟良司衛少卿懷運淄州刺史它日夫人置酒酣謂惟良曰若等記曁日事乎今謂何對曰幸以功臣子位朝廷晚緣戚屬進憂而不榮也夫人怒諷后偽為退讓請惟良等外遷無示天下私繇是惟良為始州刺史元慶龍州元奭濠州俄坐事死振州元慶至州憂死韓國出入禁中一女國妹帝皆寵之韓國卒女封魏國夫人欲以備嬪職難

欽定四庫全書

唐書

十二

於后未決后內忌甚會封泰山惟良懷運以岳牧來集從還京師后毒殺魏國歸罪惟良等盡殺之氏曰蝮以韓國子敏之奉士襲祀初魏國卒敏之入弔帝為慟敏之哭不對后曰兒疑我惡之俄貶死楊氏徙鄮衛二國咸亨元年卒追封魯國諡忠烈詔文武九品以上及五等親與外命婦赴弔以王禮葬咸陽給班劍葆仗鼓吹時天下旱后偽表求避位不許俄又贈士韞太尉兼太子太師太原郡王魯國忠烈夫人為妃上元元年進號

天后建言十二事一勸農桑薄賦徭二給復三輔地三息兵以道德化天下四南北中尚禁浮巧五省功費力役六廣言路七杜讒口八王公以降皆習老子九父在為母服齊衰三年十上元前勳官已給告身者無追覈十一京官八品已上益粟入十二百官任事久材高位下者得進階中滯帝皆下詔略施行之蕭妃女義陽宣城公主幽掖庭幾四十不嫁太子弘言于帝后怒配殺弘帝將下詔遜位于后宰相郝處俊固諫乃止后欲外示寬裕劫人心使歸已即奏言今群臣納半俸百姓計口錢以贍邊兵恐四方安商虛實請一罷之詔可儀鳳三年羣臣蕃夷長朝后于光順門即并州建太原郡王廟帝頭眩不能視侍醫張文仲秦鳴鶴曰風上逆砭血頭可愈后內幸帝殆得自專怒曰是可斬帝體寧刺血處耶醫頓首請命帝曰賢議疾烏可罪且吾眩不可堪聽為之醫一再刺帝曰吾目明矣言未畢后簾中再拜謝曰天賜我師身負續寶以賜帝崩中宗即位天后稱

欽定四庫全書

唐書

十三

皇太后遺詔軍國大務聽參決嗣聖元年太后廢帝為
廬陵王自臨朝以睿宗即帝位后坐武成殿帝率羣臣
上號冊越三日太后臨軒命禮部尚書攝太尉武承嗣
太常卿攝司空王德真冊嗣皇帝自是太后常御紫宸
殿施慘紫帳臨朝追贈五世祖後魏散騎常侍克己為
魯國公妣裴即其國為夫人高祖齊殷州司馬居常為
太尉北平郡王妣劉為王妃曾祖永昌王諮議參軍贈
齊州刺史儉為太尉金城郡王妣宋為王妃祖隋東郡
欽定四庫全書

唐書
卷七十六

十四

眾至十萬楚州司馬李崇福遣和盱眙人劉行舉嬰城
不肯從敬業攻之不克太后拜行舉游擊將軍擢其弟
行實楚州刺史敬業南度江取湖州殺刺史李思文曲
阿令尹元貞拒戰死太后詔左玉鈴衛大將軍李孝逸
為揚州道行軍大總管率兵三十萬討之戰于高郵前
鋒左豹韜果毅成三朗為唐之奇所殺又以左鷹揚衛
大將軍黑齒常之為江南道行軍大總管并力敬業與
三月敗傳首東都三州平始武承嗣請太后立七廟中
欽定四庫全書

唐書
卷七十六

十五

書令裴炎沮止及敬業之興下炎獄殺之并殺左威衛
大將軍程務挺太后方憐恚一日召羣臣廷議曰朕於
天下無負若等知之乎羣臣唯唯太后曰朕輔先帝踰
三十年憂勞天下爵位富貴朕所與也天下安佚朕所
養也先帝棄羣臣以社稷為託不敢愛身而知愛人今
為戎首者皆將相何見負之遽且受遺老臣伉儷難制
有若裴炎乎世將種能合亡命若徐敬業平宿將善戰
若程務挺乎彼皆人豪不利於朕朕能戮之公等才有

過彼蚤為之不然謹以事朕無詒天下笑辱臣頓首不敢仰視曰惟陛下命久之下詔陽若復辟者睿宗揣非情固請臨朝制可乃治銅匱為一室署東曰延恩受干賞自言南曰招諫受時政失得西曰申冤受抑杜所欲言北曰通玄受讖步秘策詔中書門下一官典領太后不惜爵位以籠四方豪傑自為助雖妄男子言有所合輒不次官之至不稱職尋亦廢誅不少縱務取實材真賢又畏天下有謀反逆者詔許上變在所給輕傳供五

欽定四庫全書

唐書
卷七十六

品食送京師即日召見厚餌爵賞歡動之凡言變吏不得呵詰雖耘夫莠子必親延見稟之客館敢稽若不送者以所告罪之故上變者徧天下人人屏息無敢議新豐有山因震突出太后以為美祥赦其縣更名慶山荆人俞文俊上言人不和疠贅生地不和堆阜出今陛下以女主處陽位山變為災非慶也太后怒投嶺外詔毀乾元殿為明堂以浮屠薛懷義為使督作懷義鄂人本馮氏名小寶偉岸溢無倖狂洛陽市千金公主嬖之主

上言小寶可入侍后詔與私悅之欲掩迹得通籍出入使祝髮為浮屠拜白馬寺主詔與太平公主壻薛紹通昭穆紹父事之給廐馬中官為騶侍雖承嗣三思皆尊事惟謹至是護作士數萬巨木率一章千人乃能引又度明堂後為天堂鴻麗嚴奧次之堂成拜左威衛大將軍梁國公始作崇先廟于西京享武氏承嗣偽欽洛水石導使為帝遣雍人唐同泰獻之后號為寶圖擢同泰游擊將軍於是汜人又上瑞石太后乃郊上帝謝貺自

欽定四庫全書

唐書
卷七十七

號聖母神皇作神皇靈改寶圖曰天授聖圖號洛水曰永昌水圖所曰聖圖泉勒石洛壇左曰天授聖圖之表改汜水曰廣武時柄去王室大臣重將皆撓不得逞宗室孤外無寄足地於是韓王元嘉等謀舉兵唱天下迎還中宗琅邪王沖越王貞先發諸王倉卒無應者遂敗元嘉與魯王靈夔等皆自殺餘悉誅諸王牽連死滅殆盡子孫雖嬰祿亦投嶺南太后身拜洛受圖天子率太子孺臣蠻夷以次列大陳珍禽奇獸貢物因薄壇下

禮成去永昌元年享萬象神宮改服袞冕攝大圭執鎮圭睿宗亞獻太子終獻合祭天地五方帝百神從以高祖太宗高宗配引魏王士彥從配班九條訓百官遂大饗羣臣號士彥周忠孝太皇楊忠孝太后以文水墓為晉德陵咸陽墓為明義陵太原安成王為周安成王金城郡王為魏義康王北平郡王為趙肅恭王魯國公為太原靖王載初中又享萬象神宮以太穆文德二皇后配皇地祇引周忠孝太后從配作壘^①圉^②○鳳思

戶家不能自保太后操奩具坐重幃而國命移矣御史傅游藝垂闕內父老請革命改帝氏為武又骨羣臣固請妄言鳳集上陽宮赤雀見朝堂天子不自安亦請氏武示一尊太后知威柄在已因大赦天下改國號周自稱聖神皇帝旗幟尚赤以皇帝為皇嗣立武氏七廟于神都尊周文王為文皇帝號始祖妣曰文定皇后武王為康皇帝號睿祖妣姜曰康惠皇后太原靖王為成皇帝號嚴祖妣曰成莊皇后趙肅恭王為章敬皇帝號肅祖妣曰章敬皇后魏義康王為昭安皇帝號烈祖妣曰昭安皇后周安成王為文穆皇帝號顯祖妣曰文穆皇后考忠孝太皇為孝明高皇帝號太祖妣曰孝明高皇后罷唐廟為享德廟四時祠高祖以下三室餘廢不享至日祀上帝萬象神宮以始祖及考妣配以百神從祀盡王諸武詔并州文水縣為武興比漢豐沛百姓世給復以始祖家為德陵睿祖為喬陵嚴祖為節陵肅祖為簡陵烈祖為靖陵顯祖為永陵章德陵為昊陵明

義陵為順陵太后雖春秋高善自塗澤雖左右不悟其
衰俄而二齒生下詔改元為長壽明年享神宮自制大
樂舞工用九百人以武承嗣為亞獻三思為終獻帝之
為皇嗣公卿往往見之會尚方監裴匪躬左衛大將軍
阿史那元慶白澗府果毅薛大信監門衛大將軍范雲
僊潛謁帝皆腰斬都市自是公卿不復上謁有上封事
言嶺南流入謀反者太后遣攝右臺監察御史萬國俊
就按得實即論決國俊至廣州盡召流入矯詔賜自盡

欽定四庫全書

唐書
卷七十六

皆號哭不服國俊驅之水曲使不得逃一日戮三百餘
人乃誣奏流人怨望請悉除之於是太后遣右衛翊府
兵曹參軍劉光業司刑評事王德壽苑南面監丞鮑思
恭尚輦直長王大貞右武衛兵曹參軍屈貞筠皆攝監
察御史分往劍南黔中安南等六道訊鞠而擢國俊左
臺侍御史光業等亦希功于上惟恐殺人之少光業殺
者九百人德壽殺七百人其餘亦不減五百人太后久
乃知其冤詔六道使所殺者還其家國俊等亦相踵而

死皆見有物為厲云太后又自加號金輪聖神皇帝置

七寶千廷曰金輪寶曰白象寶曰女寶曰馬寶曰珠寶

曰主兵臣寶曰主藏臣寶率大朝會則陳之又尊其顯

祖為立極文穆皇帝太祖為無上孝明皇帝延載二年

武三思率蕃夷諸酋及耆老請作天樞紀太后功德以

黜唐興周制可使納言姚璿護作乃大裒銅鐵合冶之

署曰大周萬國頌德天樞置端門外其制若柱度高一

百五尺八面而別五尺治鐵象山為之趾負以銅龍石

欽定四庫全書

唐書
卷七十六

鏡怪獸環之柱顛為雲蓋出大珠高丈圓三之作四蛟
度丈二尺以承珠其趾山周百七十尺度二丈無慮用
銅鐵二百萬斤乃悉鑄羣臣蕃酋名氏其上薛懷義寵
稍衰而御醫沈南璆進懷義失望因火明堂太后羞之
掩不發懷義愈狼恣怏怏乃密詔太平公主擇健婦縛
之殿中命建昌王武攸寧將作大匠宗晉卿率壯士擊
殺之以舂車載尸還白馬寺懷義負幸昵氣益一時出
百官上其徒多犯法御史馮思勗勅其姦懷義怒遇諸

道命左右毆之幾死弗敢言默犯塞拜新平伐逆朔方追大總管提十八將軍兵擊胡宰相李昭德藥味道至為之長史司馬後厭入禁中陰募力少年千人為浮屠有逆謀侍御史周矩劾狀請治驗太后曰第出朕將使詣獄矩坐臺少選懷義怒馬造廷直往坐大榻上矩召吏受辭懷義即乘馬去矩以聞太后曰是道人素狂不足治力少年聽窮劾矩悉投放醜爾懷義搆矩俄免官太后祀天南郊以文王武王士韋與唐高祖並配太后加號天冊金輪聖神皇帝遂封嵩山禪少室冊山之神為帝配為后封壇南有大榭蔽曰置雞其杪賜號金雞樹自制升中述志刻石示後改明堂為通天宮鑄九州鼎各位其方列廷中又飲天下黃金作大儀鍾不克久之以崇先廟為崇尊廟禮視太廟旋復崇尊廟為太廟自懷義死張易之昌宗得幸乃置控鶴府有監有丞及主簿錄事等監三品以易之為之太后自見諸武王非天下意前此中宗自房州還復為皇太子恐百歲後

為唐宗室躡藉無死所即引諸武及相王太平公主誓明堂告天地為鐵券使藏史館改吳陵署為攀龍臺久視初以控鶴監為天驤府又改奉宸府罷監為令以左右控鶴為奉宸大夫易之復為令神龍元年太后有疾久不平居迎仙院宰相張柬之與崔玄暉等建策請中宗以兵入誅易之昌宗於是羽林將軍李多祚等帥兵自玄武門入斬二張于院左太后聞變而起桓彥範進請傳位太后返卧不復語中宗於是復即位徙太后上陽宮帝率百官詣觀風殿問起居後率十日一詣宮俄朝朔望廢奉宸府宮還東都武氏廟于崇尊廟更號崇恩復唐宗廟諸武王者咸降爵是歲后崩年八十一遺制稱則天大聖皇太后去帝號諡曰則天大聖后祔乾陵會武三思參韋庶人復用事於是大旱祈陵輒雨三思誅帝詔崇恩廟祠如太廟齋郎用五品子博士楊孚言太廟諸郎取七品子今崇恩取五品不可帝曰太廟如崇恩可乎孚曰崇恩太廟之私以臣準君則僭以君

準臣則惑乃止及韋武黨誅詔則天大聖皇后復號太
后廢崇恩廟及陵景雲元年號大聖太后太平公主奸
政請復二陵官又專后曰天后聖帝徽號聖后太平誅
詔黜周孝明皇帝號復為太原郡王后為妃罷吳順等
陵開元四年追號則天皇后太常卿姜皎建言則天皇
后配高宗廟主題天后聖帝非是請易題為則天皇后
武氏制可

欽定四庫全書

卷七十六

中宗和思順聖皇后趙氏京兆長安人祖緯武德中戰
有功終右領軍將軍父瓌尚高祖常樂公主帝為英王
聘后為妃高宗於公主恩尤隆武后不喜乃幽妃內侍
省瓌自定州刺史駙馬都尉貶括州絕主朝謁隨瓌之
官妃既囚局鍵牢謹日給飼料衛者候其突煙數日不
出披戶視之死腐矣瓌以壽州刺史與主預越王事死
神龍元年追諡妃曰恭皇后贈瓌左衛大將軍中宗崩
歲陵事韋庶人不臣不得祔有司加上尊諡以后祔定
陵

欽定四庫全書

卷七十六

中宗庶人韋氏京兆萬年人祖弘表貞觀中曹王府典
軍帝在東宮后被選為妃嗣聖初立為皇后尋與帝處
房陵每使至帝輒恐欲自殺后止曰禍福何常早晚等
死耳無遽及帝復即位后居中宮是時上官昭容與政
事方敬暉等欲盡誅諸武武三思懼乃因昭容入請得
幸於后卒謀暉等誅之初帝幽廢與后約一朝見天日
不相制至是與三思共御床博戲帝從旁典籌不為忤
三思諷羣臣上后號為順天皇后乃親謁宗廟贈父玄
貞上洛郡王左拾遺賈虛已建言非李氏王者盟書共
棄之今復國未幾遽私后家且先朝禍鑒未遠甚可懼
也如今皇后固辭使天下知後宮謙讓不亦善乎不聽
神龍三年節愍太子舉兵敗宗楚客率羣臣請加號翊
聖詔可禁中謬傳有五色雲起后作笥帝圖以示諸朝
因大赦天下賜百官母妻封號太史迦葉志忠表上桑
條歌十二篇言后當受命曰昔高祖時天下歌桃李太
宗時歌秦王破陣高宗歌堂堂天后世歌武媚娘皇帝